

Centro Kibrahacha: Reconocimiento pa un proyecto ehemplar

ORANJESTAD(AAN)—
Durante ceremonianan cu

a acompaña inicio di e
conferencia di distrito 437

di Rotary homenahe a worde brinda na Rotary Club di Aruba pa e proyecto Kibrahacha. Asina reconocimiento a worde duna na un di e proyecto- nan mas importante cu Aruba por a conoce di parti di iniciativa priva durante ultimo añanan.

Centro Kibrahacha no solamente a yena un vacio den comunidad, pero tambe el a aporta den cambio di mentalidad, tanto cerca e ancianonan mes como publico.

Por nota cu diariamente ancianonan ta subi e bus di Centro Kibrahacha pa acudi na e centro, caminda nan por pasa dianan contento.

Pa hopi anciano centro Kibrahacha a bira un forma di sali for di e isolacion cu edad na cierto momento a cuminza representa.

Den Centro Kibrahacha e ancianonan por tuma nota cu nan no ta "hende- nan cu a logra sobrevivir", pero cu bida ta sigui ainda. Nan ta topa cu otro- nan, nan ta papia, nan ta canta, cushina y keda activo.

Centro Kibrahacha ta tambe e proyecto cu a fija atencion di publico ariba realidad di e ancianonan. Un problema cu a cuminza manifesta su mes basta aña pasa y a bay acentua e problemanan cu ya anciano- nan tabata confronta, a keda exponi.

Ora papia di Centro Kibrahacha ta subraya, cu den comunidad tin ancianonan cu hopi biaha no tin com- pania di otro hende.

Ancianonan cu ta uni den e centro pa haya solaz hopi biaha den soledad.

Centro Kibrahacha a bira realidad hustamente den un tempo cu anciano- nan ya a perde nan lugar preferencial den familia- nan y hopi biaha hasta ta worde poni un banda pa- sobra nan no por aporta mas y ta stroba den cas.

Durante e conferencia di Rotary, atencion espe- cial ta worde dedica na e centro, cu ta digno di tur elogio y sosten di comuni- dad, cu diariamente por tuma nota con ancianonan ta haci bon uso di e oportunidad cu Rotario- nan a brinda nan.